

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Athanasii fuga. Cap. XII.

**urn:nbn:de:hbz:466:1-12704**

ad partes orientis propere ire perrexit. Et cum exploratum haberet, quot mala bellum secū apportare soleat, quām ingenti pecuniæ vi ad illud administrandū opus esset, & absque ea non posse recte geri, pecuniam à Christianis veteratoriè extorquere cogitauit. Nam illis, qui sacrificare renuebant, mulctam imposuit pecuniariā, ipsaq; exactio in vere Christianos sequera & exquisita fuit. Nam quisq; pro facultatum proportione tributa pensitauit, & Imperator ex iniusta iniustè exactæ pecuniæ collectione breui admodum locupletatus est. Ista autem vtebatur lege, non solum in locis, quæ ipse peragrauit, sed in illis etiam, ad quę minime accesserat. Eodem tempore gentilis in Christianos violenter insultare, qui se philosophos prædicabant frequentes concursare, nefanda quędam mysteria obire, pueros, qui nondū ex ephebis excesserant, tum masculos, tum sc̄eminas, quo exta eorum inspicerent, maectare, illorum carnes degustare cœperunt. Atque hæc scelera cum alijs in vrbibus, tū Athenis & Alexandriæ fuere edita.

## De Athanasi fuga. CAP. XII.

**I**Bi tum contra Athanasium falsum crimen cōminiscūtur; significantq; Imperatori eum cum AEgyptum, tū vniuersam ciuitatem Alexandriam prorsus labefactasse: oportere que illum à ciuitate amandare. Contra quem etiam Alexandriae præfектus Imperatoris iufu concitatus est. Athanasius hæc verba apud necessarios locutus (secedamus ad tempus amici, est enim nubecul, aquæ cito euanescent) illico fugam fecit: atque consensu naue actutum traiicit in AEgyptum: Aduersarij illum à tergo insequi, comprehendendercque properant. Vbi autem nuntiatum erat eos, qui illum persequebantur, non longè abesse, comites itineris illum horabantur, vt in solitudinem fugeret. Ille prouido usus consilio, persequentium manus effugit. Nam persuasit illis, vt retro conuersi persequentibus obuiam procederent. Quod absq; mora illi faciunt. Simul atque illi, qui paulo antè fugam ceperant, persequentibus appropinquarent, hi qui Athanasium quærebant, nihil præterea ab eius comitibus suscitabantur, quām vtrū Athanasiu vidissent: illi eū in quodam loco qui non multum inde aberat, latitare significabant: & si propere cōtenderent, breui illū cōprehēsuros.

## SOCRAT. HISTOR.

Ita isti ab Athanasio auersi , cito & contento gradu perse-  
quuntur : sed frustra . Ille enim ex eorum manibus elapsus ,  
clam se Alexandriam recepit : ibique in occulto vitam usq;  
eo transigit , quoad persecutionis incendium penitus esset  
restinctum . Eiusmodi tempestates post crebras Christiano-  
rum perseciones , postque ærumnas à gentilibus illis in-  
flictas , in caput episcopi Alexandrini redundant . Porro  
prouinciarum præfides rati ex Imperatoris religione illis tē-  
pus oportunum oblatum , quo quæstum facerent , vltra  
quam imperatoris edita postulabant , Christianos vexare ,  
maiorem pecunia summam , quam oportebat , exigere , in-  
terdum eorum corporibus supplicia infligere cœperunt .  
Quæ cum intellexisset Imperator , neglexit : & Christianis ,  
qui de ipsis iniurijs expostulaturi ad eū venissent , ita respo-  
dit : Vestrum est , cum etsi afflictati , æquo animo tolerare :  
quippe istud à vestro Deo præceptum accepistis .

*De ijs qui regnante Iuliano , Meri Ciuitatis Phri-  
giae vitam martyrio consummarunt .*

CAP. XIII.

**E**rat quidem Meri urbis Phrigiae prouinciæ præfetus ,  
nomine Amachius , qui delubrum in ea ciuitate exstruc-  
tum aperire , sordes iam longo tempore in eo coa-  
ceruatas , expurgari mandauit , simulachraque in eo cultu  
& obseruantia prosecutus est . Quod illius factum Christianorū  
animis acerbum incusit dolorem . Idcirco Mace-  
donius , Theodusius , Tatianus zelo pietatis Christianæ in-  
flammati , istam ægritudinem ferre non poterat , sed flagrant-  
ti erga virtutem studio prædicti , noctu in delubrum irruunt ,  
simulachra confringunt . Quo quidem facinore cum præ-  
fes grauiter animo esset commotus , & propterea complures  
in ciuitate , qui criminis omnino erat expertes , neci dare co-  
tenderet , authores facinoris vltro illi se obtulere : proq; ve-  
ritate ipsi mortem multo maluere oppetere , quam vt alij ip-  
orum causa vitam amitterent . Quibus compræhensis , præ-  
fes mandatum dat , vt pro facinore ab ipsis admisso , se simu-  
lachris immolando purgarent : minaturq; se illos , si istud fa-  
cere recusarent , acerbo multaturum supplicio . Illi , vtpote  
excelso & magno animo prædicti , neglectis eius minis , ad  
omnem